

Sagai Muittalægje

15ad Januar 1905.

No. 2.

»Sagai Muittalægje« boatta guovte gærde juokke manost, las ja 15ad bæive, ja maksa ovta kruvna ja 20 øra jakkodagast — 60 øra jakkebælest. Bladde matta dinggujuvvut juokke poastarappe bokte. Diedetusak maksek 5 øra rana.

2be jakkodak.

Okta rafhalaš olmušslagja.

Samek læk alo rakistam rafhe. Si æi læk nuftgo manga æra nationa duolvadam sin bæggemæsek ja nama-sek goaves varragolatusaiguim. Damditi berrep mi læk ilolažak, dainago mi læp okta mailme raffhalemus olmuin.

Ænaš olmušslajain læi bakken-aige okta æppeibmel, gæsa si rokka-dalle addet sigjidi vuoto soadest. Dat læi sin soatte-ibmel. Samin i læk vela bakkenlaš aigege læmaš soatteibmel, dainago si æi soattam. Gal dat sataši mai læt nuft, atte samek lifči ožžom stuoreb famo, jos si lifči lika viššalet čajetam miekkeavjo go manga æra olmušnale. Mutto min addijume mielde læ dat buoreb, atte olmuš gilla, go dat, atte olmuš dakka bahast.

Jordanes, muttom boares italia-laš historiačalle, gutte eli dam guđad jakkečuode mañnel Kristus riegadæme, čalla sami birra ja duodašta, atte si læk raffhalažak. Son čalla: »Davebuin orrok dak raffhalaš sabmelažak, gæk læk raffhalæbbo go dak æra assek Skandinaviast.«

Nuft čalla son sami birra dam aige, go si legje bakkenak.

Min aige jukkujuvvu juokke ja ge addaldagak (Nobel rafhepræmie) sigjidi, guđek læk barggam ænemusat oažžot rafhe olmušslajai gaski ja oažžot sođid uccut. Migjidi bođi dal aicakætta dat jurda, atte i dat daidaši læt nu aibas boastot, jos dat rafhepræmie ovta jage addujuvvuši sami nationi, guđek alo læk sardnedam rafhe sin mænodusasek bokte, guđek alo læk rakistam rafhe, ja guđek rafhe

rakistæme bokte davja læk saddam gillat maidai.

Soatte.

Dam ođđajage algost girddetegje telegramak dam saga mailme mietta, atte Port Artur læi boattam japanalažai halldoi. Ruošak legje ferttim vuollai addet. Port Artur læi bagjel jakkebæle birastattujuvvum. Ruošak duššadegje ječasek soatteskipaid, mak legje Port Artur havnast, ouddalgo si vuollai adde. Dak skipak legje vabagattujuvvum daihe cuvkijuvvum japanalažai kanovnai oudast. Mutto amasek dak skipak boattet japanalažai halldoi, duššadegje ruošak daid. Port Artur soaldatak legje vaibbam, ja sist vilu soattebierrgasak. Damditi ferttiegje si vuollai addet. Port Artur kommandanta general Støssel i dattom velage vuollai addet, dainago son læi loppedam Ruoša kæisari, atte son i adde goassege vuollai; mutto su generalak sardnotegje su dam dakkat. Ja mælgad uccan avkke lifči dat læmaš ruošaidi soattat gukkeb.

Šiettatusgirje vuollai čallujuvvui 2be januar. Ruoša officerak ja amatolbmak ožžo love ruoktot maccat Ruošariki, go si loppedegje, atte si æi šaten æmbo boade soattai. Port Artur soaldatak dolvvujuvvujegje fanggan Japani. Japanalažak galggek dikšot daid buocid ja havvadattujuvvum soaldataid, mak læk Port Arturest, ja muittaluvvu, atte japanalaš doaktarak dikšok fuolalažat ruoša havvaduvvum soaldataid.

200 japanalaš soaldatak, mak gaddujuvvujegje gaččam soadest, gav-

nuegje Port Arturest. Si legje valdujuvvum ruošain fanggan.

Japanalaš generala Nogi, gutte kommanderi dam soattevæga, mi birastatti ja valdi Port Artur, læ boaras-muvvam ja ruoidnam.

Mutto rafhe gal daida vela læt gukken. Japanalažak çei hæite soattamest dal, ouddalgo ruošša maksa Japani 18000 miljon kruvna dam vahag oudast, maid Japan læ gillam dam soadest.

Japanalažak læk massam dušše Port Artur soadest 50,000 — vitta loge duhat — soaldata.

Moft dal dast mañnel manna dam soadest, i læk buorre diettet. I gullu mikkege dam birra, atte ruošša hæitta soattamest. Goabbašagak sad-diba æmbo ja æmbo soaldati soattambaikkai. Mutto gal dat satta šaddat nuft, atte garrasçebbo soatte i šadda ouddal giða. Mansjuriast læ dalvve garas ja çoaskes, ja dat hette soatte-olbmaid.

Dat ođđa soatteflaatta, maid ruošša dast čakčat saddi Asiai, fertte gal jure maccat ruoktot, dainago sist i læk šaten æmbo dat buorre soatteskipaihavna Port Arturest. Ja dat læ ballamest, atte jos dat flaatta galgga soattat japanalaš soatteskipaiguim, de dat gal vuottatalla. Japanalažak rakkanegje dal valddet dam flaata vuostai.

Ruošain læ gal vela okta havna davebuin; mutto i dat læt nu vuogas sajest. Dam havna namma læ Vladivostock. Dobbe gačček si dal divudet ladne ja garvvek buok soattam laje.

1310 miljon kruvna ovta jagest.

Soatte Nuortta-Asiast læ mælgad divrras Ruošariki. 23ad november

ragjai læ ruoša statakassa olguslok-kam lagabuidi 857 miljon kruvna soattam olgusgollatusaidi. Go 14ad februar joavdda, de læ soatte bistam ovta jage, ja soatte šadda jagest makset Ruošariki 1310 miljon kruvna I dat læk imaš, atte olbmuk Ruošarikast nimmoresgottetge. Telegramma muittala, atte sikke Ruošarikast ja Polenest, mi gulla Ruošariki, læ stuibme ja vuostahagolašvuotta vuordda-gasast.

Bisma Bockman

Tromsast occa dal aldis Troandem bisma-ammata, mi dal læ luovus mañ-ñel bisma Skaar jabmen.

Prins Gustav Adolf

ja Alica Roosevelt.

Avisak Engelandast ja Frankarikast muittalek dal, atte Gustav Adolf, kronprinsa boarasemus bardne, galgga naittalet Amerika præsidenta nieidain, gæn namma læ Alice.

Togo akka.

Dat bæggalmas japanalaš admiralala (mærra soattehærra) Togo læ naittalam ovtain nissonin, gæn olmuš maidai fertte imašallat. Dallahaga go soatte alggi, vuvddi Togo akka buok su činades, ja i cellam sattan dam lakai go ouddal. Son vuvdi maidai su vavnost, maina son ouddal lavvi vuogjet, ja dal oidnu son vaze mannamen Tokiost. Buok, maid son dam lakai læ soestam, læ son addam daidi havvaduvvum soaldatidi.

Olmuš, gæst læ okta oaivve

ja guokte rubmaša.

Genfa gavpugest Schweitzast ælla dal okta olmai, gæst læk guokte rubmaš, mak læva oktiøvtastattuvvum radde buotta. Goabbašak rubmašak læva ollasa, dušše oaivve vaillo nubbest. Dam olbma namma læ Jean Lebera, ja son læ muđoi gievra ja dœrvas. Sust læ stuoreb borramhallo go æra olbmuin.

Gutta mana bulle.

Nubbe juovllabæiv' ija buli Ruotarikast ovta barggo-olbma viste, ja gutta mana dušše. Dat læi okta avisa, mi cakkani ja læi aššen dam dollavahagi.

Difterit (čoddadavdda)

galgga maidai læt Porsangost, muittala okta Tromsa bladde.

Skuvladirektøra

Finmarko amtast læ buktam ouddan dam arvvalusa, atte same- ja suoma-giella i šattan oappatuvvu Tromsa seminariest. Dam ragjai læ læmaš nuft, atte 6 seminarista ožžo friaplasa Tromsa seminarest, go si bargge oappat samegiella daina jagin, go si læk seminariest. Tromsa bisma ja Tromsa seminare læk vuostalastam dam skuvladirektøra arvvalusa.

Son suoladi golle.

Muttom sagförar Amerikast læ dal arristerijuvvum. Son raigadi golleruđaid, ja valdi golle. Raigid devdi son messegin. Son læ ješ dal dovdstam, atte son lavvi bodnjat 12 raige guđege gollerutti, valddet golle olgus, suddadet dam ja vuovddet. Dam bargai son golbma jage, ouddalgo son bođi bajas, ja billedi ječas muittalusa mielde lagabuidi 1000 golleruđa.

Mišsonærak sorbmijuvvum

Ny Gineast.

Ny Ginea læ okta stuora suolo davabœld' Australia. Dobbe læ katholicakalaš mišsonærak sardnedam bake-ni gaskast. Muittaluvvu dal, atte 9 daina mišsonærain sorbmijuvvujegje æska laje bakkenin dobbe.

Ny Yorka gavpugest

Amerikast læ okta fabriikka, gost rakaduvvujek æppeibmel govak, mak saddijuvvujek bakkenrikaidi. Dat galgga læt fabriikka stuora sisaboaton; dastgo duhati mielde rakaduvvujek dam fabrikkast bakkenidi æppeibmelak, muttomak halbbes haddai, ja muttomak divrrasæbbo. Amerika »kristalažak« saddijek bakkenidi sikke mišsonæraid ja æppeibmelid. Sin oa-medovddo i oro caggastæme sin dam dakkat.

Ræššovunast

Alatægjost cuvkkijegje bahagurenes nuorak æska laje oudalaš skuvllaolbma Nuthe viesost gosi buok, mi dobbe gavdnu. Dat læi fastes mænno-dæbme. Nuth læ 70 jage arvo boares. Son læ okta rafhalaš olmai. Mi dovddap su, ja mi læk manga gœrde læmaš su sidast, gost mi alo læk vuostaivaldduvvum usteblašvuodain. Su lutte golai mist alo aigge jottelet. Son læi sardnai, ja alo læi sust juoga suottas muittalus. Mi gittep su buok havskes boddoi oudast ja hæp-

pašek sin, guđek viššek illastet dam havskes boares olbma.

Divrras hægjaækked.

(Sisasaddijuvvum).

Ođđabæive ækked dolluvvujegje hæjak Lævnjast. Dalle legje ollo olbmuk boattam dasa borrat ja jukkat dam hægjavissui.

Fakkistaga suoladuvvujegje ruđak muttom gæinobarggest guokta čuođe kruvna. Son gaddi muttom olbma ala ja ransaki dam, mutto i gavdnam maidege dam olbma duokken, ja fertti vela makset 20 kruvna dam olbmai, gæn ransakim læi. X.

12000 kruvna

læ stuoradigge mæredam, atte stata maksa dam vahag oudast, maid falesfabrika æigadak gillajegje Mehavnast.

Ruošarika

galgga læt massam soadest dam 9 manost 125400 olbma.

Ædnam alde

assek dal 525 miljon kristalaža, 823 miljon bakkena, 11 miljon judalaža ja 172 miljon muhamedanalaža, okti-buok 1545 miljon olbmu.

Dam mañemus

jage læi dai olbmui lokko, guđek læk erit vagjolam Amerikast 9000 æmbo, go dai lokko, guđek læk Amerika sisa vagjolam.

Port Arturest

legje ruošast, go soatte alggi, 35000 soaldata. Daina læ 11000 gaččam soadest ja 16000 havvaduvvam ja buoccamen.

Unjarga skuvlastivra

læ valljim Isak Mikal Saba oapatægjen Unjarggi dam ouddalaš oapatægje Jakobsen sagjai, gi jami oudeb čavča. Skuvlladirektøra viggai vuostalastet dam valljima. Son ožodi Brufloet oapatægjen Unjarggi. Brufloet læ oapatægjen Galtenest.

Isak Mikal Saba læ riegadam 15ad november 1875. Son læ Unjarga papagiældast erit. 1898 valdi son oapatægje-eksamen Tromsa seminariest. 1900 læi son Kristianiast ja vazi middelskuvla. Sæmma jage valdi son middelskuvla-eksamena burid karakteraignim. Dasto læi son oapatægjen Lagesvuonast, ja dam aige læi

son muttom manoid fria ja vazi gymnasiest Tromsast. (Gymnasiet læ okta aleb skuvla, gost si mannek, guðek lokkek studenteksameni). Son studeri gielaid ja historia. Lagesvuonast læ son dal sirddujuvvum oapatægjen Unjarggi.

Isak Mikal Saba læ okta jierbmalaš olmai. Sust læk stuora addal-dagak, ja son læ okta sivo ja buorre mielalaš olmai, ja mi sattep maidai dagjat, atte son læ duottavuodast sami usteb. Mi jakkep, atte Unjarga olbmuk æi šadda gattat, go si valljijegje su oapatægjen aldsesek. Mi savvap, atte likko ja buristsivdnadus čuvoši Isak Mikal Saba dam su odða skuvlapoasta mielde.

Ruošain i læk hallo soattai vuolggemest.

Ruosarika olbmuk viggek mangga lakkai bæsaladdat erit soattai vuolggemest. Politiak Ruošarikast æi darbaš ruoša laga mielde soattai vuolggemest. Damditi ribmek dal vela riggis gavppeolbmai barnekge Ruošarikast læt politian.

Maidai oapatægjek læk dobbe fria soaldat-balvvalusast, ja sin lokko, guðek aigok læt oapatægjen, læ dal stuores Ruošarikast, ja ige sittujuvvu nu stuora bakkage. Muttom suokkanes algi okta olmai oapatægjen, go sudnji loppeduvvui 4 rubela manost.

Maidai Kina oasta soattebierrgasid.

Kina læ dal æska dinggom Tuislandast 2 miljon taels oudast kanovnaid ja 6000 magasinbissoid.

Mailme alemus varrečokka

læ Mount Everest Himmelaya varrečielge alde Asiast. Muttom engelas olbmak læk dal æska dam alodaga mittedam. Dat læ 8840 meter alo.

Lækgo don vuottam?

Præmieobligationslotteriest læi gæsembœive 2be januar. Čuovvovaš nummarak vuitte:

Serie 4689 obl-nr. 76 vuoitto 20000 kr.			
— 4782	— 27	— 10000	„
— 4123	— 66	— 1000	„
— 4942	— 40	— 500	„
— 3567	— 19	— 500	„
— 1905	— 74	— 500	„
— 3333	— 23	— 500	„
— 2434	— 1	— 500	„
— 1851	— 36	— 500	„
— 2576	— 44	— 500	„
— 3709	— 28	— 500	„
— 3736	— 29	— 500	„
— 4911	— 46	— 500	„

Æreb daid namatuvvum vuotioi læk arvad 100 kruvnasaš vuotok, mai birra mi doavvop sattet muittalet boatte nummarest

Soatte læ faste.

(Sisasaddijuvvum).

Æi mange lakai jame nu jottellet ja nu ollo olbmuk go soadest. Juokke have, go mon ain logam daid odða soattetelegramaid ja gullam, man ollo dal vuotten læ gaččam soadest, de manna dat mudnji čielgga sivvoi.

Dat matta læt hirbmos oaidnet soattebaiki, gost si sotte daihe goddašegje gutteg guimidæsek duhati mielde. Davalažat læ min gaskast nuft, atte go okta vanas gobmana ja olbmuk bottek erit, de manna dat saka birra buok ja bukta stuora morraša manga sidi. Mutto maid galggap mi jurdašet daina baikin, gost soatte dakka gaddid avdem buoremus ja čuovvasæmus nuora olbmain. Dobbe matta læk boares ágjain ja manain, guðek bace, hæittekættes moraš sikke ija ja bæive. Si æi gal satte dam vajaldattet goassege. Soadest læ uecan arbmo. Jos vel nuftge heiveši, atte du viellja daihe du buoremus usteb læ vagjolam æra riki, ja heive šaddat soatte, de ferttik don soattat su vuostai, vaiko son i læk goassege dakkam daihe jurdašam du birra æra go dam, mi buorre læ. Dalle i šadda daina lagin læk mikkege vieljalaš rakisvuotta. De orro læmen, dego viđad bakkom i lækge Ibmel bakkom. Savvamest lifči, atte dat ollo bæggotuvvum agalaš rafhe farga boadaši.

W.

Brævva Kvalsundast.

Čoaskemak ja muottaborggak algge ouddal juovlaid ja bistek ain. I læk mange lagaš mærrabivddo, ja æige læk dalkeke sukkat favlai. Kvalsunda suokkanest læ daid manemus jagid læmaš manga baikin gruvvabarggo; mutto i læk buorre diettet, šaddago dabe boatteaigest stuoreb gruvvabarggo.

Gal dat mai gullu, atte manga sajest læ væikke valljit; mutto væikemalma læ daggar, atte dat farga nokka maidai.

Dabe læ sikke ruotalaš, darolaš ja engelas ruttariggak, guðek bargatek.

Y.

Ollo muotta Lævnjast.

(Sisasaddijuvvum).

Muittalegje dak, guðek legje mieđostæmen daid, guðek manne bajas Garašjokki juovlaidi, dastgo Lævnjalažain læ dal sæmma osko go dollin judalažain atte mannat buokak Jerusalemi bæssaš basidi. Nuft mannek dal Lævnjalažak Garašjokki juovlabasid doallat.

Dai mieđostæggi farost læ okta poastafievridægje su stuora spirines. Son ješ vœllai dam stuora spire rægast dego stranga. Son læi væjetesvuoda dilest dam ræisost. Mutto de gævai likkotesvuotta ouddalgo ruoktot olli. Darvvani dat stuora spire muot taskalvai, nuft atte i bæssam ješ erit. Mutto de læi likko, atte dæivai læm okta jierbmalaš čielgos olmai farroi. Son oini, atte dal i vœkket æra koansta go dat, atte goaivvot julgid luovus, ja rottet spire erit skalvest. Dat smava spirik gal manne matkesek, æige diettam dam skalvest maidege.

X.

Redaktorai dilalašvuotta

I læža alo nu havskes barggo datge atte læt redaktorai. Duot ja dat lokke i liko blađe sistdoalatussi. Go blađe muittala sagaid doalli birrasin, de celkket muttomak: »Ho ho, dam mi diettep ouddal. Æp mi darbaš dam birra lokkat avisast. Mi halidep gullat dam, mi dpatuvva olgoædnamin.« Go blađe muittala uecan daggo birrasin, gost doallek orruk, de moittek fastain ærasak dam. Si celkek: »Mi, guðek doallak blađe, vuorddep, atte dat galgga muittalet maidai dpatusai birra, mak šaddek min guovllost.« I goassege læk blađe sistdoalatus juokke lokke miela mielde.

Ja sisasaddijægjek moittek davja redaktora, jos son i valde buok bittaid sisa. Si eddok muttomai, ja heittek vela doallamest blađe dam dafhost.

Æi si mate arvvedet, man baha dat dakka redaktori, go son fertte bigjat sin sisasaddijuvvum bittaid erit. Son dakka dam lossa mielain. Son i daga dam suddam varast sisasaddijægjid; mutto son dakka dam, go su oamedovddo i luoite su dakkat æra laje. Muttomak fast moittek, go redaktora valdda čuom ja dam bitta

sisä. I læk nu bære gukka aigge dam ragjai, go »Nuorttanaste« redaktora oažoi gullat, atte jos son vela valdda ovtage »H« brævai blađđasis, de aig-gok si hættet dollamest dam blađe.

Min blađe valdda gitalusain bittaid sisa, ja daddeke læp mige ferttim bigjat muttom brævaid erit. Dat šadda juokke redaktora lossa oasse. Mutto redaktorast læ manga have havskes boddok. Son læ ilost juokke have, go son su lanjast læ čallam ovtä bitta, maid son doaivo šaddat avkken ja havskes lokkedi. Son dietta, atte maidai songe læ servolaš bajasčuvvggitus barggoi. Ja dat, atte son dietta dam, illodatta su man-ga gærde.

„Dat ucca prinsessaš.“

(Lasse oudeb nummari).

Vilhelma boagosti — jidnuset, čabbaset ja likkolažat. Son sogjalatti oaives ja čaŋali glassaraige sisa Marte lusa. De dolli son čavgga Marte gidda ja jæräi sust vela ovtä gærde.

De gobmirdasti nieidda su oivines ja bijäi dam Vilhelm radde vuostai ja čieroi ovtä ucca boddoš. Vilhelm sikkoi su gadnjälid erit ja lak-kodi dam rakis nieida njuoska gieđaid

»Dast maŋŋel galgak don bassat dušše mu suokkoid — mu ja du je-čad. Don galgak oažot buorre dile. Moai härvatedne guokta stobo spæg-jali- ja sofaiguim ja manga æra čab-ba dingaiguim, maid mon læm vurk-kodam. Don gal šaddat jure ibmaši, go don oažok oaidnet, man ollo čab-bak must læk. Likkogo don mudnji burist Marte?»

»Likkom hui burist. Mon lifčim gal šaddam jure buoccen, jos don lif-čik ærain naittalam. Ikgo don læk adnam mielaid Klarai?»

»Im goassege. Daggio don ik læk rivtes gæčest. Mon læm nu ilost, go mon ožžom du, daggar ucca prins-essaša, gæst læk nu čabba vuovtak, ja gutte læ alo nu čorgga, atte i gal-ga oidnut goassege okta boalloga vail-lomen du biktasin.

Son ožudi nieida boagostet, dastgo dat čierodi hilljačēt su radde vuostai. Dat læi nu buorre, go son böesai vuoiqastet ja čierrot væhaš.

Marte læi alelassi ferttim jeđdit ærra-sid ja sikkot sin gadnjälid erit. Fak-kistaga daiketi son ja čuožželi bajas.

»Vilhelmačam, im mon satte. Moft dat dasto šadda manaiguim?»

Vilhelma hujostaddai ja jorata-dai gapperes gieđadesguim.

»Gal dat dasa šadda juoga rađ-đen. Igo du ačče læk muittalam dud-nji maidege, Marte?»

Nieidda gæččai su ala ja ige fittim jurddašet maidege dam harrai.

»Mu ædne ja du ačče — alma soaige læva soappam.«

»Hoavredat don dal, Vilhelm.«

»Dat læ duotta. Du ačče læ dušše hujostallam dudnji dam muit-talet.«

»Dat i mate læt vejolaš? Du ædne i lifčei galggam riebmät dam jurdašet. Dastgo mon dieđam, atte ačče i lifčei ješ goassege dam mail-mest jurdašam naittalet fastain.«

»Vuoi gula dal, Marte. Mon im divte du guoddalet mu ædnam ala. Don oažot arvvedet, atte dat læi du ačče, gutte algo dagai. Ja son i læk mikkege boares olbmai — illa bagje-leš 40 jage — ja mu ædne læ mai-dai daggo baikid. Ja gal don ješ arv-vedak, atte okta nieidda i satte dævd-det aka saje, vaiko son vela lægege doaimalaš ja viššäl. Ja æmgo moai galga udnot monno vuorrasidi dam mađe væhaš likko.

Ja son sikkoi daid maŋemus gadnjälid Marte čalmin erit, ja man havske dat i læm, go son dal cume-sti su. Dat cumma, mi muittali ollo čembo sodno vaimojurdagid go sodno sanid.

De bijäi Marte goabbašak gie-đaides su olgi ala ja celki:

»Dal oažok don mannat Mutto Vilhelmačam, ik don dieđe, man sag-ga mon alo læm rakistam du; mutto dam mon im læk dattom dovddastet, im ovtä gærde aldsimge. Ja mon læm alo vastedam dudnji nu oanekažat ja hæjos mielast, dainago mon jakkim, atte don adnek mielaid Klarai. Mutto dal jakkam mon, atte don rakistak mu, Vilhelmačam. Vilhelmačam, dat læ oalle čabba mailbme, gost mi æl-lep.«

Geppesmielalašvuotta rakis-vuoda aššin.

Jos naitusvuoda dille galgga šad-dat likkon ja buristsivdnadussan æd-nam alde, de fertte dat vuodđoduv-vut rakisvuodain. Mutto mangas mæn-nodek dam aše harrai daggar geppes-mielalaš lakai, atte dat læ čielgga arkke jurdašet dam birra.

Loppadaddam, mi berresi læt okta daina divrrasæmus aššin ædnam alde, adnujuvvu manga olbmuin duš-še læikastallamen. Ašše dasa, atte manga olbmu vagjolek ællem čađa cuvkijuvvum vaimoin, duššaduvvum doaivoin ja likkotesvuodain, læ davja dat, atte olbmuk bettek sin, gæsa si legje loppedam rakisvuodalloppadusa.

Jukki, mielatemi ja bahadakki gaskast gavdnujek gal ollok, gæk sat-tek muittalek, atte likkotes rakisvuot-ta læi stuoremus ašše dasa, atte sig-jidi gævai nuft.

Sikke gođin ja garddemin gavd-nujek ædnagak, gæina vailo dat duot-ta čellemlikko, dainago si naittalegje-rakisvuodataga.

Dam ællemest læ maidai oidnu-juvvum manga gærde, atte olbmuk naittalek dušše riggodaga diti; mutto-daggar naittalebmne i satte addet olb-muidi duotta ja bistevaš ællemlikko naittusvuodast.

Man davja i læk okta bardne daihe nieidda böettam dam, gutte læi loppedam sudnji oskaldesvuoda gidda jabmen ragjai ja naittalam ovtain æ-rain dušše riggodaga diti. Mutto rig-godak i satte guđege lakai addet olb-muidi dam vaimolaš rakisvuoda, man taga i gavdnu likko naittusvuodast.

Man ollok æi læk čuožžom Här-ra basse altar oudast ja šaddam gie-lestet sikke Ibmeta ja særvvagoddi dam lakai, go si njalmin gal læk duodaštam, atte si rakistek gutteg guiomesek, mutto sin vaibmo læ biet-talam.

Man lossat šadda dat sigjidi vastedet, guđek adnek daggar geppes-mielalašvuoda dam divrras ja mavso-lalaš aše harrai.

Muite dam, nuora bardne ja nieidda, atte jos don ik ane avvera rakisvuoda lagast, de čuoovvo du væl-takætta rangastus dabe ælededin!

Dat læ fastes mænnodæbmne atte böettet su loppadaddam guoimes, dai-nago don daggo bokte sattak dušša-det ovtä olbmu ællemlikko.

Dat læ buoreb čuoovvot su moar-ses daihe irgges havddai, gost dam ællem gillamušak nokek, go atte mæn-nodet nuft, atte dat nubbe šadda æl-let likkotes ællema, obba ællama ilo ja sistdoalotaga.

Damditi, ale ane geppesmielalaš-vuoda rakisvuoda aššin. Don ik dov-da ječad goassege likolažžan dam mænnodæme bokte.

Redaktora: A. Larsen.

Prenteduvvum „Nuorttanaste“ prentemrakka-nusast. Sigerfiorast.